



Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 8. Sessio XLIV. Basileensis Concilii

[urn:nbn:de:hbz:466:1-66507](#)

Sæcul. XV. copiam, & tandem majorem facilitatem
A.C. 1442. Ecclesiæ pacem, & Italiæ tranquilitatem
certius procurandi. Nihilominus Basileenses cunctas hasce rationes ab Euge-
nio propositas in deteriorem partem ac-
cipientes, quaquaversus spargere non du-
bitarunt, Eugenium eo consilio Synodum
Romam transtulisse, tum ne compellere-
tur ad aliud Concilium in Germania ce-
lebrandum accedere, eoque nullam ex-
tra Italiæ fines Synodum ratam haberet,
tum ut ostenderet, sibi summum impe-
rium competere supra Concilium, eo-
quod de loco ad locum, Basilea Ferraria-
m, Ferraria Florentiam, & inde Ro-
mam pro arbitrio suo illud transferret,
quæ omnia tamen, ajebant, nonnisi ad
evertendam Ecclesiæ ac Conciliorum au-
ctoritatem tenderent.

§. VIII.

Sessione XLIV. Basileensis Concilii.

Labbe Conc. Basileenses quoque eodem anno die no-
to. 11. p. 650. na mensis Augusti pridie ad festum S.
Laurentii sessionem quadragesimam quar-
tam celebrarunt, qua sanctionem valde
prolixam ediderunt, ut sibi & eorum, quæ
gesta fuerant, securitati prospicerent;
quocirca omnia & singula, quæ adversus
se, aut in suorum præjudicium promul-
ganda essent, irrita ac nulla declararunt,
con-

confirmantes statuta, atque decreta hanc ^{Sæcul. XV.} in rem in præcedentibus sessionibus san- ^{A.C. 1442.} cita; Præterea in eos, qui Synodi membra vexaverint, vel eorum beneficia oc- cupaverint, aut detinuerint, præter ex- communicationem, & beneficiorum vel dignitatum privationem etiam pecunia- riā multam decem marcarum auri sta- tuerunt, hoc verborum tenore: *Si vero univerſitas, aut capitulum, aut aliud Col- legium, seu communitas similia attentave- rit, triginta marcarum pro una Cameræ A- poſtolicæ, ac pro alia parti læſæ, & pro tertia æqualibus partibus Domino civitatis vel loci, in quo tale beneficium extiterit, ap- plicandarum pænas incurrat.* Tandem e- tiam Collatores beneficiorum iisdem pœ- nis obnoxios fore pronuntiarunt, si infra duorum mensum, & duodecim dierum spa- tium, postquam pro parte illorum, quorum interest, requisiti, partes læſas in eum statum, in quo ante occupationem suorum beneficio- rum fuerant, reponere, & integrare ne- glexerint.

§. IX.

Comitia Francofordiensia.

Sub idem tempus Fridericus comitia ^{Acta Patriæ.} Imperii Francofordiæ celebranda in-^{to. 13. Conc.} dixit, in quibus de mediis duas illas, in ^{p. 1600.} quas Ecclesia scindebatur, factiones con- ciliandi